



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-24441-1.1/21  
Sarajevo, 09.06.2021. godine

## **GODIŠNJI PLAN PROVOĐENJA PROGRAMA RAZVOJA MALE PRIVREDE ZA 2021. GODINU**

### **1. UVOD**

Stvaranje uslova za razvoj malog i srednjeg preduzetništva zahtijeva usklađenu politiku kojom se obuhvaćaju aktivnosti različitih područja od obrazovanja i nauke, uklanjanja administrativnih prepreka i prevelikog broja propisa, do jačanju institucija preduzetništva, poslovne infrastrukture i regionalnog razvoja. Sveobuhvatan zakonski, strateški i institucionalni pristup razvoju malog i srednjeg preduzetništva pretpostavka je jačanje konkurentne sposobnosti privrede. Stoga se poticanje razvoja malog i srednjeg preduzetništva provodi kontinuirano, uz uvođenje standarda EU kroz primjenu zakonodavstva i poticaja. Jačanjem preduzetništva doprinosi se povećanju zaposlenosti, socijalnoj sigurnosti, poticanju domaće proizvodnje, izvoza i stvaranju povoljne preduzetničke klime, te se ostvaruju smjernice o razvoju male privrede kao generatoru ukupnog ekonomskog razvoja.

Vlada Kantona Sarajevo na osnovu člana 10. stav (4) Zakona o poticaju razvoja male privrede ("Službene novine Kantona Sarajevo", broj: 29/15) (u daljnjem tekstu: Zakon) i člana 2. stav (2) Pravilnika o postupcima u provođenju Programa razvoja male privrede („Službene novine Kantona Sarajevo”, broj: 20/21) (u daljnjem tekstu: Pravilnik) usvaja Godišnji plan provođenja programa poticaja razvoja male privrede (u daljnjem tekstu: Godišnji plan). S tim u vezi, potrebno je navesti da je Ministarstvo privrede Kantona Sarajevo pripremlilo Godišnji plan koji je u skladu sa Zakonom, Pravilnikom, članom 29. Zakona o izvršavanju Budžeta Kantona Sarajevo za 2021. godinu („Službene novine Kantona Sarajevo“, broj: 5/21) i tačkom II podtačka 1.2. redni br. 6. i 8. Odluke o usvajanju programa utroška sredstava tekućih i kapitalnih transfera Ministarstva privrede Kantona Sarajevo utvrđenih Budžetom Kantona Sarajevo za 2021. godinu (“Službene novine Kantona Sarajevo”, broj: 8/21), Strategijom razvoja Kantona Sarajevo do 2020. godine ("Službene novine Kantona Sarajevo", broj: 41/16) (u daljnjem tekstu: Strategija) i Programom razvoja male privrede za period 2020. - 2023. godina ("Službene novine Kantona Sarajevo", broj: 30/20) (u daljnjem tekstu: Program). Također, potrebno je napomenuti da je Godišnji plan, u dijelu koji se odnosi na davanje podrške za povećanje zapošljavanja i poduzetništvo mladih, usklađen sa Zakonom o mladima Federacije Bosne i Hercegovine (“Službene novine Federacije BiH”, broj 36/10) (u daljnjem tekstu: Zakon o mladima) i Strategijom prema mladima Kantona Sarajevo za period 2019.-2023. godina (u daljnjem tekstu: Strategija prema mladima).



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211

Sarajevo, Reisa Džemaludina Čauševića 1



Kanton Sarajevo je u 2015. godini donio Zakon na temelju kojeg se u Budžetu Kantona Sarajevo svake godine planiraju sredstva čija namjena je obezbjeđenje poticajnih sredstava za provođenje mjera i aktivnosti razvoja male privrede utvrđenih u Programu, a ista su predviđena kao kreditna i grant poticajna sredstva koja će koristiti subjekti male privrede.

## 2. PRIVREDA U KANTONU SARAJEVO

Unapređenje poslovnog ambijenta kroz pojednostavljivanje procedura i smanjivanje troškova registracije biznisa, odnosno provođenje usvojenih godišnjih planova poticaja male privrede u periodu od 2015. - 2019. godina u Kantonu Sarajevo koincidiralo je sa povećanjem broja registrovanih poslovnih subjekata, rastom prometa, poboljšanjem poslovnih performansi i rastom broja zaposlenih u subjektima male privrede u Kantonu Sarajevo. Zabilježen je rast prometa u trgovini, povećanje obima izvršenih usluga ali i posebno pozitivni trendovi u turizmu, građevinarstvu, finansijskom sektoru, IT sektoru i na znanju baziranim izvozno orijentisanim uslugama. Ukupan broj registrovanih privrednih subjekata u Kantonu Sarajevo na dan 31.12.2019. godine u odnosu na 31.12.2015. godine je veći za 5.211 ili 19.81%, a porast broja privrednih subjekata zabilježen je u svim djelatnostima. U Kantonu Sarajevo ukupan broj registrovanih pravnih lica na kraju 2019. godine u odnosu na kraj 2015. godine veći je za 3.660 ili 23.27%, a ukupan broj registrovanih obrta je veći za 1.551 ili 14.65%. Broj zaposlenih lica u Kantonu Sarajevo na dan 31.12.2019. godine u odnosu na 31.12.2015. godine porastao je za 20,31% i iznosio je 152.324. Kada govorimo o registrovanim novim poslovnim subjektima, prema podacima Zavoda za informatiku i statistiku Kantona Sarajevo, najveći broj je zabilježen u trgovini (1.083), stručnim, naučnim i tehničkim djelatnostima (893), ostalim uslužnim djelatnostima (806), poslovanju nekretninama (556), hotelijerstvu i ugostiteljstvu (530), administrativnim uslužnim djelatnostima (514), prerađivačkoj industriji (423) i informacijama i komunikacijama (375). Prema podacima Zavoda za informatiku i statistiku Kantona Sarajevo, broj registrovanih subjekata u Kantonu Sarajevo je rastao i u 2020. godini.

**Tabela 1.** Registrovani poslovni subjekti u KS, 2015.-2020. (kraj godine)

Struktura/Godina	2015.	2016.	2017	2018.	2019.	2020.	Rast 2020/19
A Poljoprivreda, šumarstvo i ribarstvo	481	651	719	680	654	722	110,4
B Vađenje ruda i kamena	18	16	17	17	18	19	105,6
C Prerađivačka industrija	2.575	2.615	2.718	2.828	2.932	2.998	102,3
D Proizvodnja elek. energije, plina	60	65	65	66	69	73	105,8
E Snabdijevanje vodom, ...	51	50	49	50	51	52	102,0
F Građevinarstvo	1.161	1.192	1.241	1.336	1.417	1.469	103,7
G Trgovina na veliko i malo	6.214	6.513	6.642	7.113	7.263	7.297	100,5
H Prijevoz i skladištenje	1.896	1.793	1.793	1.807	1.833	1.843	100,5
I Hotelijerstvo i ugostiteljstvo	2.128	2.088	2.203	2.378	2.526	2.658	105,2
J Informacije i komunikacije	816	868	919	1.042	1.114	1.191	106,9
K Finansijske djelatnosti	198	210	214	225	234	243	103,8
L Poslovanje nekretninama	513	681	822	920	1.010	1.069	105,8
M Stručne, naučne i tehničke djelatnosti	2.685	2.808	3.005	3.211	3.398	3.578	105,3
N Administrativne uslužne djelatnosti	701	795	916	1.050	1.143	1.215	106,3
O Javna uprava i odbrana	313	313	293	293	294	294	100,0
P Obrazovanje	343	363	372	395	422	450	106,6
Q Djelatnosti zdravstvene zaštite	561	578	605	629	649	665	102,5

R	Umjetnost, zabava i rekreacija	1.176	1.234	1.271	1.314	1.362	1.382	103,5
S	Ostale uslužne djelatnosti	4.392	4.584	4.743	3.936	5.102	5.198	101,9
T	Djelatnost domaćinstva	2	2	1	1	1	1	100,0
U	Djelatnosti vanterit. organizacija	27	26	28	28	30	31	103,3
<b>UKUPNO</b>		<b>26.311</b>	<b>27.445</b>	<b>28.636</b>	<b>30.319</b>	<b>31.522</b>	<b>32.448</b>	<b>102,9</b>

Izvor: Zavod za informatiku i statistiku Kantona Sarajevo

Registrovani poslovni subjekti = Pravna lica (uključujući poslovne jedinice) + obrtnici (fizička lica)

Tabela 2. Registrovani poslovni subjekti po općinama u Kantonu Sarajevo

stanje 31.12.2020. godine

Općina/ KD 2010	Centar	Novi Grad	Novo Sara- jevo	Ilidža	Stari Grad	Vogošća	Hadžići	Ilijaš	Trnovo	UKUPNO
A	54	103	32	97	31	77	77	189	62	722
B	6	1	2	7	1	1	0	1	0	19
C	463	582	373	521	630	171	134	120	4	2.998
D	23	5	14	7	11	1	9	2	1	73
E	9	13	9	8	1	2	4	5	1	52
F	228	365	251	334	92	71	83	38	7	1.469
G	1.563	1.717	1.215	1.465	564	361	236	178	1	7.297
H	286	533	255	282	284	92	61	41	9	1.843
I	636	448	500	342	447	100	90	79	22	2.658
J	402	207	334	124	78	29	10	7	0	1.191
K	82	43	70	15	24	2	3	2	2	243
L	190	126	110	422	57	59	50	54	1	1.069
M	1.451	514	767	391	299	86	40	28	2	3.578
N	299	202	222	262	147	35	28	13	7	1.215
O	102	38	47	24	29	11	20	20	3	294
P	113	78	101	60	42	21	19	15	1	450
Q	213	97	161	79	70	20	11	12	2	665
R	438	295	206	143	157	67	39	27	10	1.382
S	1.571	897	1.108	534	677	187	105	96	23	5.198
T	1	0	0	0	0	0	0	0	0	1
U	16	2	8	0	5	0	0	0	0	31
<b>Ukupno</b>	<b>8.146</b>	<b>6.266</b>	<b>5.785</b>	<b>5.117</b>	<b>3.646</b>	<b>1.393</b>	<b>1.019</b>	<b>918</b>	<b>158</b>	<b>32.448</b>

Izvor: Zavod za informatiku i statistiku Kantona Sarajevo

Registrovani poslovni subjekti = Pravna lica (uključujući poslovne jedinice) + obrtnici (fizička lica)

U ukupnom broju od 32.448 registrovanih poslovnih subjekata na području Kantona Sarajevo, obrtničke radnje učestvuju sa 12.387 ili sa 38,17%. Više od hiljadu obrta registrirano je u prerađivačkoj industriji, trgovni, prijevozu i skladištenju, hotelijerstvu i ugostiteljstvu, stručnim i tehničkim djelatnostima i ostalim uslužnim djelatnostima. I u slučaju obrta, preko tri četvrtine je locirano u četiri gradske općine.

Tabela 3. Registrovani obrti u Kantonu Sarajevo po općinama

31.12.2020. godine

Općina/ KD 2010	Centar	Novi Grad	Novo Sarajevo	Ilidža	Stari Grad	Vogošća	Hadžići	Ilijaš	Trnovo	UKUPNO
A	31	86	19	66	23	68	56	169	59	577
B	0	0	0	0	0	0	0	0	0	0
C	279	374	200	208	536	74	54	54	2	1.781
D	0	0	0	0	0	0	3	2	0	5
E	1	0	0	0	0	0	0	0	0	1
F	61	178	58	100	37	32	46	24	1	537
G	520	697	302	348	210	124	124	87	0	2.412
H	224	361	202	174	258	60	36	19	9	1.343
I	422	362	373	237	273	87	73	67	14	1.908
J	91	90	102	37	25	8	5	2	0	360
K	22	19	17	6	1	1	2	2	2	72
L	18	6	13	13	5	3	0	1	0	59
M	581	234	229	100	120	31	14	14	1	1.324
N	57	70	60	36	31	11	5	3	5	278
O	0	0	0	0	0	0	0	0	0	0
P	15	17	10	9	5	4	4	5	0	69
Q	110	52	88	36	32	8	6	6	0	338
R	38	31	14	6	35	4	1	0	0	129
S	208	266	290	158	143	62	36	29	1	1.193
T	1	0	0	0	0	0	0	0	0	1
U	0	0	0	0	0	0	0	0	0	0
<b>Ukupno</b>	<b>2.679</b>	<b>2.843</b>	<b>1.977</b>	<b>1.534</b>	<b>1.734</b>	<b>577</b>	<b>465</b>	<b>484</b>	<b>94</b>	<b>12.387</b>

Izvor: Zavod za informatiku i statistiku Kantona Sarajevo

Bilansne obrasce o poslovanju u 2019. godini u Kantonu Sarajevo predalo je 7.593 poslovna subjekata koji knjigovodstvo vode u skladu sa kontnim okvirom za privredna društva (preduzeća). U odnosu na 2015. izvještaje je podnijelo oko 800 subjekata više (ili 11,7 posto). U slučaju navedenih subjekata evidentan je blagi porast poslovnih performansi mjerenih ukupnim prihodima ili ostvarenom dobiti (ili gubikom). U fiskalnoj 2019. godini ovi subjekti su ostvarili ukupan prihod u iznosu od oko 19,4 milijardi KM što u odnosu na 2015. godinu predstavlja povećanje od 14,8 %. Dobit u 2019. godini je ostvarena u iznosu od preko 1,1 milijardu KM i za oko trećinu je veća u odnosu na 2015. godinu. Broj subjekata koji su negativno poslovali je nešto umanjnjen (kao i ukupno ostvareni gubitak), ali na oni još uvijek čine više od trećine ukupnog broja subjekata.

**Tabela 4.** Registrovani poslovni subjekti prema KD 2010 u Kantonu Sarajevo

stanje na dan 31.12. 2019/2020. godina

Struktura/Godina	2019.	2020.	Index
A Poljoprivreda, šumarstvo i ribarstvo	654	722	110,4
B Vađenje ruda i kamena	18	19	105,6
C Prerađivačka industrija	2.932	2.998	102,3
D Proizvodnja elek. energije, plina	69	73	105,8
E Snabdijevanje vodom, upravljanje ...	51	52	102,0
F Građevinarstvo	1.417	1.469	103,7
G Trgovina na veliko i malo	7.263	7297	100,5
H Prijevoz i skladištenje	1.833	1.843	100,5
I Hotelijerstvo i ugostiteljstvo	2.526	2.658	105,2
J Informacije i komunikacije	1.114	1.191	106,9
K Finansijske djelatnosti	234	243	103,8
L Poslovanje nekretninama	1.010	1.069	105,8
M Stručne, naučne i tehničke djelatnosti	3.398	3.578	105,3
N Administrativne uslužne djelatnosti	1.143	1.215	106,3
O Javna uprava i odbrana	294	294	100,0
P Obrazovanje	422	450	106,6
Q Djelatnosti zdravstvene i soc. zaštite	649	665	
R Umjetnost, zabava i rekreacija	1.362	1.382	103,5
S Ostale uslužne djelatnosti	5.102	5.198	101,9
T Djelatnost domaćinstva	1	1	100,0
U Djelatnosti vanterit. organizacija	30	31	103,3
<b>UKUPNO</b>	<b>31.522</b>	<b>32.448</b>	<b>102,9</b>

*Izvor: Zavod za informatiku i statistiku Kantona Sarajevo**Registrovani poslovni subjekti = Pravna lica (uključujući poslovne jedinice) + obrtnici (fizička lica)***Tabela 5.** Zbirni finansijski pokazatelji za sva privredna društva u Kantonu Sarajevo

Pokazatelj	2015.	2016.	2017.	2018.	2019.
Broj privrednih društava	6.800	7.168	7.623	7.683	7.593
Vrijednost ukupne imovine (000)	28.325.328	29.153.943	29.734.266	29.984.856	30.133.239
Ukupna vrijednost prihoda (000)	16.948.596	16.863.501	18.370.704	18.708.797	19.466.314
Prihodi od izvoza (000)	1.856.909	1.891.526	1.949.159	1.982.803	1.852.792
Broj zaposlenih	102.776	105.462	107.387	110.987	113.125
Broj privrednih društava sa dobiti	4.136	4.388	4.547	4.714	4.796
Ukupna dobit (000)	875.331	982.510	1.042.714	1.039.280	1.162.519
Broj privrednih društava sa gubitkom	2.575	2.688	2.938	2.822	2.688

Ukupni gubitak (000)	482.344	471.070	382.786	436.164	286.839
----------------------	---------	---------	---------	---------	---------

Izvor: FIA, 2020.

Poslovne performanse posmatrano prema veličini privrednih subjekata (mali, srednji i veliki subjekti) predstavljene su u tabeli ispod. Možemo vidjeti da su 293 subjekta ili oko 3,86 posto ukupno registrovanih subjekata iz kategorije velikih subjekata. Preostalih nešto preko 96 posto su mikro, mali (6.508) i srednji subjekti (792). Treba ipak primijetiti da je gotovo 6 od 10 zaposlenika registrovano u velikim subjektima (preciznije 57,9 posto). 22,6 posto ukupno registrovanih zaposlenih evidentirano je u mikro i malim subjektima, 19,4 posto u srednjim subjektima. U odnosu na 2015. godinu, zabilježen je rast broja registrovanih subjekata u svim kategorijama i to 16,5 posto u kategoriji mikro i malih subjekata, 10,3 posto u kategoriji srednjih subjekata i 16,2 posto u kategoriji velikih subjekata. Doprinos male privrede kreiranju novih radnih mjesta u KS je vrlo značajan. Naime, 57,2 posto novih radnih mjesta otvoreno je u subjektima male privrede.

**Tabela 6.** Zbirni finansijski pokazatelji za mala, srednja i velika privredna društva u KS

<b>Pokazatelj – mali subjekti</b>	<b>2015</b>	<b>2016</b>	<b>2017</b>	<b>2018</b>	<b>2019</b>
Broj privrednih društava	5.853	6.186	6.604	6.614	<b>6.508</b>
Vrijednost ukupne imovine (000)	2.604.461	2.796.135	3.015.191	3.077.404	2.931.367
Ukupna vrijednost prihoda (000)	1.750.961	1.847.918	1.899.970	1.941.830	1.947.596
Prihodi od izvoza (000)	178.356	200.372	219.723	205.384	220.204
Broj zaposlenih	23.694	24.678	25.659	26.146	25.622
Broj privrednih društava sa dobiti	3.420	3.624	3.747	3.866	3.922
Ukupna dobit (000)	159.949	174.960	178.436	204.372	206.316
Broj privrednih društava sa gubitkom	2.348	2.473	2.721	2.605	2.480
Ukupni gubitak (000)	90.025	94.373	103.653	95.216	71.987
<b>Pokazatelj – srednji subjekti</b>	<b>2015</b>	<b>2016</b>	<b>2017</b>	<b>2018</b>	<b>2019</b>
Broj privrednih društava	695	724	759	796	<b>792</b>
Vrijednost ukupne imovine (000)	6.028.628	6.300.989	6.525.139	6.709.029	6.807.585
Ukupna vrijednost prihoda (000)	2.272.415	2.352.762	2.505.762	2.567.349	2.587.597
Prihodi od izvoza (000)	293.950	288.972	283.154	294.562	279.644
Broj zaposlenih	17.946	19.182	20.072	21.385	21.935
Broj privrednih društava sa dobiti	505	542	564	602	608
Ukupna dobit (000)	156.849	189.013	201.320	229.318	248.751
Broj privrednih društava sa gubitkom	186	179	193	190	181
Ukupni gubitak (000)	144.739	159.607	110.204	181.360	111.564
<b>Pokazatelj – veliki subjekti</b>	<b>2015</b>	<b>2016</b>	<b>2017</b>	<b>2018</b>	<b>2019</b>
Broj privrednih društava	252	258	260	273	293
Vrijednost ukupne imovine (000)	19.692.238	20.056.818	20.193.934	20.198.422	20.394.286
Ukupna vrijednost prihoda (000)	12.925.219	12.662.820	13.964.971	14.199.617	14.931.121
Prihodi od izvoza (000)	1.384.602	1.402.181	1.446.281	1.482.857	1.352.942
Broj zaposlenih	61.136	61.602	61.656	63.456	65.568
Broj privrednih društava sa dobiti	211	222	236	246	266

Ukupna dobit (000)	558.532	618.537	662.957	605.589	707.451
Broj privrednih društava sa gubitkom	41	36	24	27	27
Ukupni gubitak (000)	247.579	217.089	168.928	159.587	103.287

Izvor: FIA, 2020.

Analiza izvrsnosti privrede Kantona Sarajevo pokazuje je da je u periodu 2015-2019. godina nekoliko djelatnosti ostvarilo izvrsne poslovne rezultate. Ovo se posebno odnosi na djelatnost Informacije i komunikacije i izvozno orijentisani segmenti stručnih, tehničkih i administrativnih djelatnosti.

### 2.1. Uticaj pandemije korona virusa na privredu Kantona Sarajevo

Mjere socijalnog distanciranja uvedene kao odgovor na Covid-19 pandemiju rezultirale se globalnom ekonomskom krizom u 2020. Ekonomska kriza imala je snažan uticaj na razvoj ambijenta za poslovanje i smanjenje privrednih aktivnosti u Bosni i Hercegovini, pa tako i u Kantonu Sarajevu. Između ostalog, kriza je dovela do smanjenje potrošnje i investicija, smanjenja proizvodnje i izvoza, problema u otplati kredita i slabijeg kreditiranja privrede, smanjenog dotoka kapitala u formi stranih direktnih ulaganja, doznaka i sl. Kako bi se održao nivo javne potrošnje i socijalnih transfera, značajno manji ostvareni javni prihodi kompanzirani su zaduživanjem kod međunarodnih finansijskih institucija i na domaćem tržištu kapitala. Kao posljedica poduzetih mjera u cilju ublažavanja zdravstvenih posljedica uzrokovanih Covid-19 pandemijom u 2020. godini došlo je značajnog pada prometa registrovanih privrednih subjekta na području Kantona Sarajevo. Već martu 2020. registrirani promet je bio manji za oko 22% u odnosu na prosjek 2019. godine. U aprilu 2020. godine je bio manji za oko 41%. Posljedično otpuštanje radnika u privatnom sektoru rezultiralo je smanjenjem ukupnog broja zaposlenih u Kantonu Sarajevo u periodu od 29.02. do 31.05.2020. godine za oko 6 hiljada ili 4% ukupnog broja zaposlenih. Kako bi se ublažile negativne ekonomske posljedice i zaustavio pad broja registrovanih privrednih subjekta i pad broja zaposlenih u Kantonu Sarajevo, usvojen je tzv. Korona zakon (ili Zakon o ublažavanju negativnih ekonomskih posljedica i uštedama u Kantonu Sarajevo) koji je definirao kratkoročne mjere podrške privredi na području Kantona Sarajevo. Između ostalog, ovim zakonom predviđeno je i sufinansiranje (cijele ili dijela) minimalne plaće za subjekte kojima je odlukama Kriznog štaba zabranjena ili onemogućena djelatnost, odnosno za subjekte koji se kao rezultat globalne pandemije suočavaju sa značajnim padom prometa. Pored toga, predviđen je i niz drugih mjera kojima se umanjuju parafiskalni nameti za privrednike na području Kantona Sarajevo. Konačno, posebnim članom ovog zakona regulirano je i formiranje posebno kreditno-garantnog fonda na nivou Kantona Sarajevo. Putem javnih poziva za mjere sufinansiranja plaća pogođenim privrednim subjektima realizirano je za mjesec mart, april, maj, juni i juli 2020. godine i za ovu namjenu izdvojeno je oko 20 miliona KM. Trećina (oko 2.000) izgubljenih poslova vraćena je u trećem tromjesečju 2020. Od tada broj zaposlenih u Kantonu Sarajevo stagnira. Podrška implementirana u Kantonu Sarajevo bila je mnogo veća u odnosu na preostalih devet kantona, a Kanton Sarajevo se kreće u nivou Federacije BiH po pitanju oporavka privrede (pogledati tabelu ispod).

**Tabela 6.** Zaposlenost u Kantonu Sarajevo vs. Federacija BiH

Datum	Kanton Sarajevo	Fedaracija BiH	Index Kanton Sarajevo	Index FBiH
02.2021	143.109	531.590	100,00	100,00
03.2020	141.652	528.617	98,98	99,44
04.2020	137.074	510.004	95,78	95,94
05.2020	137.113	512.993	95,81	96,50
06.2020	138.441	517.597	96,74	97,37
07.2020	138.857	518.120	97,03	97,47
08.2020	138.673	516.237	96,90	97,11

09.2020	139.181	520.291	97,26	97,87
10.2020	139.472	521.301	97,46	98,06
11.2020	139.239	521.321	97,30	98,07
12.2020	139.259	520.493	97,31	97,91
01.2021.	138.620	516.808	96,86	97,22
02.2021	139.604	518.382	97,55	97,52
03.2021.	139.575	519.285	97,53	97,69
04.2021.	139.444	520.701	97,44	97,95
05.2021.	139.163	520.612	97,24	97,93

*Izvor: Poreska uprava FBiH*

Uprkos negativnim budžetskim trendovima od početka pandemije u 2021. godini Budžetom KS su planirana značajna sredstva za podršku privredi pogođenoj pandemijom korona virusa. Samo za direktnu podršku plaćama i doprinosima najviše pogođenim subjektima planiran je 21 milion KM. Suprotno vlastima na nivou FBiH, kao i vlastima u drugim kantonima, opredjeljenje Kantona Sarajevo je da se izdvajanja za poticaj razvoja male privrede, putem kreditnih i grant sredstava podrške subjektima male privrede osnovanim u skladu sa Zakonom u 2021. godini dodatno povećaju (8,49 miliona KM). Primarni cilj implementacije navedenih sredstava je stabilizacija/revitalizacija poslovanja subjekata male privrede, te (u skladu sa privrednim prilikama) povećanje broj subjekata male privrede i zaposlenosti u Kantonu Sarajevo. Sredstva će se implementirati kroz programe: Kreditiranje subjekata male privrede pod povoljnijim uslovima; Subvencioniranje/refundiranje kamata po preuzetom kreditu kod komercijalnih banaka; Poticaj za tehnološku modernizaciju, primjenu standarda kvalitete i digitalizaciju poslovanja; Poticaj za nova ulaganja u tehnološku modernizaciju i primjenu standarda kvalitete u cilju unaprjeđenja konkurentosti i/ili novog zapošljavanja; Poticaj novoosnovanim – start up subjektima male privrede; Poticaj razvoja ženskog preduzetništva; Poticaj projektima promocije obrtništva; Poticaj za obuku mladih za obrtnička-zanatska zanimanja i zapošljavanje; Poticaj za unaprjeđenje IT preduzetništva; Poticaj za unaprjeđenje preduzetništva u domenu pružanja administrativnih usluga dominantno izvozne orijentacije i Poticaji za razvoj poduzetništva mladih.

### 3. OPĆI USLOVI ZA DODJELU POTICAJNIH SREDSTAVA

Sredstva Budžeta Kantona Sarajevo namijenjena za realizaciju ovog Godišnjeg plana ne mogu se koristiti kao poticajna sredstva za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću, odnosno poticajna sredstva mogu dobiti subjekti koji obavljaju djelatnosti iz tačke a) ovog poglavlja (uz propisana ograničenja za odnosne/pojedine djelatnosti u područjima: G, M i N) i ako ispune sve potrebne uslove po odnosnom programu iz ovog Godišnjeg plana. Poticajna sredstva se neće dodijeliti subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost, kao i subjektima koji imaju dospjeli dug po osnovu poreza i doprinosa, osim ako im je u skladu sa posebnim propisima odobrena odgoda plaćanja navedenih obaveza, odnosno za one subjekte koji imaju potpisan sporazum o reprogramiranju ovih obaveza.

- a) Pravo na dodjelu poticajnih sredstava u skladu sa pojedinim programima iz ovog Godišnjeg plana ostvaruju svi subjekti male privrede definisani u članu 5. Zakona ("Službene novine Kantona Sarajevo", broj: 29/15), a koji u skladu sa obavještenjem Službe za statistiku o razvrstavanju prema klasifikaciji djelatnosti imaju registrovanu djelatnost unutar dozvoljenih sljedećih područja prema Klasifikaciji djelatnosti KD BiH 2010 ("Službeni glasnik BiH", broj: 47/10):

- U području C Prerađivačka industrija prema obavještenju Statistike dozvoljene šifre djelatnosti su: (10.11-10.92), (13.10-18.20), (20.11-25.30) i (25.50-33.20);



- U području E Opskrba vodom, uklanjanje otpadnih voda, gospodarenje otpadom te djelatnosti sanacije okoliša **prema obavještenju Statistike dozvoljene šifre djelatnosti su 38.11-38.32;**
  - U području F Građevinarstvo **prema obavještenju Statistike dozvoljene šifre djelatnosti su 41.10-43.99;**
  - U području G Trgovina (popravak motornih vozila i motocikala) **prema obavještenju Statistike dozvoljena šifra djelatnosti je 45.20, te subjekti koji prema obavještenju Statistike obavljaju djelatnosti u ovom području, a čije su šifre djelatnosti: 46.31, 46.32, 46.33, 46.34, 46.46, 46.47, 46.51, 46.52, 46.65, 46.73 i 46.74 uz uslov da su ovi subjekti u 2020. godini ostvarili više od 50% prihoda na stranim tržištima;**
  - U području I Djelatnosti pružanja smještaja te pripreme i usluživanja hrane (hotelijerstvo i ugostiteljstvo) **prema obavještenju Statistike dozvoljene šifre djelatnosti su: (55.10-56.30);**
  - U području J Informacije i komunikacije **prema obavještenju Statistike dozvoljene šifre djelatnosti su: 58.21, 58.22, 62.01, 62.02, 62.03, 62.09 i 63.11;**
  - U području M Stručne, naučne i tehničke djelatnosti **prema obavještenju Statistike dozvoljene šifre djelatnosti su: (69.10-69.20) i 75.00; te subjekti koji prema obavještenju Statistike obavljaju djelatnost u ovom području, a čije su šifre djelatnosti: (73.11, 73.20 i 74.10) uz uslov da su ovi subjekti u 2020. godini ostvarili više od 50% prihoda na stranim tržištima;**
  - U području N Administrativne i pomoćne uslužne djelatnosti **prema obavještenju Statistike dozvoljene šifre djelatnosti su: (79.11-79.90); te subjekti koji prema obavještenju Statistike obavljaju djelatnost u ovom području, a čija je šifra djelatnosti: 82.20 uz uslov da su ovi subjekti u 2020. godini ostvarili više od 50% prihoda na stranim tržištima;**
  - U području Q Djelatnosti zdravstvene zaštite i socijalne skrbi **prema obavještenju Statistike dozvoljene šifre djelatnosti su: (86.10-88.99) i**
  - U području S Ostale uslužne djelatnosti **prema obavještenju Statistike dozvoljene šifre djelatnosti su: (95.11-96.03).**
- b) Prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentisani subjekti, te subjekti koji posluju u strateškim privrednim granama za Kanton Sarajevo.
- c) Pravo na poticajna sredstva ne može ostvariti subjekt za kojeg se u postupku obrade prijave utvrdi da po osnovu uvjerenja nadležne porezne uprave i/ili nadležne uprave za indirektno oporezivanje ima dospjelu a neizmirenu obavezu stariju od 60 dana od dana objave odnosnog javnog poziva na koji subjekt podnosi odnosnu prijavu, osim ako je uz ovu prijavu dostavio potpisan ugovor sa Poreznom upravom Federacije BiH i Upravom za indirektno oporezivanje BiH o otplati duga na rate.
- d) Poticajna sredstva se neće dodijeliti podnosiocu prijave koji nije opravdao utrošak dodijeljenih sredstava iz prethodnog perioda.
- e) Podnosilac prijave nema pravo na poticajna grant sredstva ukoliko je po istom osnovu/programu primio poticajna grant sredstva putem drugih programa: od strane Vlade Kantona, neke druge institucije u FBiH ili nevladine organizacije, a ukoliko se naknadno utvrdi da je koristio ova sredstva iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama.
- f) Podnosilac prijave nema pravo na poticajna grant sredstva ukoliko do dana predviđenog za zaključenje ugovora o dodjeli grant sredstava ne dostavi izjavu kojom potvrđuje da osnivač/vlasnik i odgovorna osoba nisu pravosnažno osuđivane za kaznena djela prevare u

privrednom poslovanju, davanje i primanje dara, te druga kaznena djela povezana s korupcijom.

- g) Svaki subjekt kojem se isplate poticajna sredstva po pojedinom programu u odnosnom javnom pozivu dužan je omogućiti kontrolu namjenskog utroška dobijenih poticajnih sredstava.
- h) Ukoliko se utvrdi da je subjekt u skladu s odnosnim javnim pozivom ostvario pravo na temelju dostavljene neistinite dokumentacije, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama, odnosno izvršiti povrat sredstava za subvenciju kamata po dodijeljenom kreditu i izvršiti povrat ovih sredstava sa pripadajućim zakonskim zateznim kamatama.
- i) Javni poziv za izbor korisnika poticajnih grant sredstava (u daljnjem tekstu: Javni poziv) i javni poziv za izbor banke ili banaka za plasman poticajnih kreditnih sredstava objavljuje Ministarstvo. Javni pozivi objavljuju se na web stranici Ministarstva, a odnosna obavještenja o ovim javnim pozivima objavljuju se u "Službenim novinama Kantona Sarajevo" i u dnevnom listu čiji je izdavač - pravno lice sa sjedištem u Kantonu Sarajevo. Izbor krajnjih korisnika poticajnih kreditnih sredstava obavlja se u skladu sa javnim pozivom koji objavljuje Banka.
- j) Podnosilac prijave može ostvariti pravo na poticaj po samo jednom programu iz Javnog poziva. Po osnovu Javnog poziva može podnijeti najviše dvije prijave, tj. po jednu prijavu za najviše dva pojedinačna programa. U slučaju da subjekt podnosi dvije prijave po Javnom pozivu obavezan je u prijavi navesti koja je prijava prioritetna. Ukoliko su obje prijave formalno-pravno ispravne, Ministarstvo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijave na protokolu ukoliko u istim nije navedeno koja je prijava prioritetna. Opću dokumentaciju koja se traži Javnim pozivom, subjekt može dostaviti uz samo jednu prijavu, pri čemu je obavezan u prijavi navesti uz koju prijavu je dostavio Opću dokumentaciju.
- k) U skladu sa članom 10. Pravilnika podnosilac prijave koji do objave Javnog poziva ne opravda od Ministarstva dodijeljena sredstva poticaja po ranije preuzetim ugovornim obavezama, nema pravo učešća, odnosno, njegova se prijava neće razmatrati. Podnosilac prijave koji je dvije godine uzastopno, po bilo kojem programu koristio poticajna sredstva Ministarstva, nema pravo učešća u Javnom pozivu. Po članu 9. Pravilnika ovo ograničenje se ne odnosi na nosioce Programa iz člana 16. Zakona i banku/banke iz člana 3. stav (10) Pravilnika.
- l) U slučaju da se u postupku izbora korisnika poticajnih sredstava po pojedinačnom programu iz ovog Godišnjeg plana utvrdi da se po određenom pojedinačnom programu ne može odobriti dio planiranih sredstava za taj program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna, shodno zaprimljenim urednim prijavama.

#### **4. PROGRAMI POTICAJA RAZVOJA SUBJEKATA MALE PRIVREDE**

U skladu sa Programom razvoja male privrede za period 2020.-2023. godina primarni strateški cilj koji se želi postići ovim Godišnjim planom je stabilizacija poslovanja subjekata male privrede. Dodatno, u skladu sa privrednim prilikama, nastojat će se povećati broj subjekata male privrede i zaposlenosti u Kantonu Sarajevo. Za realizaciju definisanih ciljeva utvrđeno je nekoliko prioriteta, čiji je pregled, zajedno sa mjerama/programima koji će doprinijeti njihovoj realizaciji, sljedeći:

##### **PRIORITET 1.**

##### **Unaprjeđenje dostupnosti izvora finansiranja**

- Kreditiranje subjekata male privrede pod povoljnijim uslovima i
- Subvencioniranje-refundiranje kamata po preuzetom kreditu kod komercijalnih banaka.

## PRIORITET 2.

### Stabilizacija poduzetničkog okruženja i podrška likvidnosti, obezbjeđenje novih obrtnih sredstava, unaprjeđenje poslovanja i nova ulaganja

- Poticaj za tehnološku modernizaciju, primjenu standarda kvalitete i digitalizaciju poslovanja;
- Poticaj za nova ulaganja u tehnološku modernizaciju i primjenu standarda kvalitete u cilju unaprjeđenja konkurentnosti i/ili novog zapošljavanja;
- Poticaj novoosnovanim – start up subjektima male privrede i
- Poticaj razvoja ženskog preduzetništva.

## PRIORITET 3.

### Podrška formiranju novih subjekata i zapošljavanju sa posebnim fokusom na mlade

- Poticaj projektima promocije obrtništva;
- Poticaj za obuku mladih za obrtnička-zanatska zanimanja i zapošljavanje;
- Poticaj za unaprjeđenje IT preduzetništva;
- Poticaj za unaprjeđenje preduzetništva u domenu pružanja administrativnih usluga dominantno izvozne orijentacije; i
- Poticaji za razvoj poduzetništva mladih.

## 4.1. POTICAJNE MJERE/PROGRAMI I PLANIRANA SREDSTVA

Ministarstvo privrede, u skladu sa čl. 9. i 12. Zakona o poticaju razvoja male privrede, za 2021. godinu planira provođenje poticajnih mjera i aktivnosti radi ostvarivanja ciljeva razvoja male privrede, te je utvrdilo Programe kojima se uređuje način njihovog provođenja u skladu sa Zakonom i Pravilnikom.

R/b	Naziv Programa	Vrsta sredstava	Cilj/Namjena	Iznos (KM)
1.	Obezbjeđenje kreditiranja pod povoljnijim uslovima	Grant sredstva	Obezbjeđenje povoljnog finansiranja privrednih subjekata putem banke/banaka sa subvencioniranom kamatom	5.000.000,00
2.	Subvencioniranje-refundiranje kamata po preuzetim kreditima	Grant sredstva	Subvencioniranje dijela plaćenih troškova kamata za 2019. i 2020. godinu	250.000,00
3.	Refundiranje troškova tehnološke modernizacije, primjene standarda kvalitete i digitalizacije poslovanja	Grant sredstva	Refundiranje dijela plaćenih troškova: mašina, opreme, za primjenu tehničkih normi i standarda kvalitete, digitalizaciju poslovanja u cilju podrške likvidnosti i/ili novom zapošljavanju	400.000,00
4.	Poticaj za nova ulaganja u tehnološku modernizaciju i primjenu standarda kvalitete u cilju unaprjeđenja konkurentnosti i/ili novog zapošljavanja	Grant sredstva	Subvencioniranje dijela troškova novih ulaganja u mašine i opremu, za primjenu tehničkih normi i standarda kvalitete, digitalizaciju poslovanja u cilju unaprjeđenja konkurentnosti i izvoza	150.000,00
5.	Poticaj projektima promocije obrtništva	Grant sredstva	Razvoj, afirmacija obrta, očuvanje obrtničke tradicije i starih obrtničkih djelatnosti	50.000,00
6.	Edukacija mladih za obrtnička-zanatska zanimanja i zapošljavanje	Grant sredstva	Subvencija troškova za zapošljavanje mladih i razvoj vještina potrebnih za obrtnička-zanatska zanimanja	190.000,00

7.	Poticaj za unaprjeđenje IT preduzetništva u svrhu novog zapošljavanja	Grant sredstva	Poticaj za sufinansiranje ili subvencioniranje obuka i novo zapošljavanje u IT sektoru	500.000,00
8.	Poticaj za unaprjeđenje preduzetništva u domenu pružanja administrativnih usluga dominantno izvozne orijentacije	Grant sredstva	Poticaj sa sufinansiranje ili subvencioniranje obuka i novo zapošljavanje u izvozno orijentisanim uslugama	140.000,00
9.	Poticaj start up subjektima male privrede	Grant sredstva	Subvencija troškova razvoja za pokretanje i održavanje privredne aktivnosti start up subjekata	260.000,00
10.	Poticaj razvoja ženskog preduzetništva	Grant sredstva	Subvencija troškova razvoja za pokretanje i održavanje privredne aktivnosti MSP u vlasništvu žena	250.000,00
11.	Podrška mladima za pokretanje start up poslovnih subjekata	Grant sredstva	Poticaj za kreativne mlade pojedince s inovativnim i provedivim poslovnim idejama za pokretanje vlastitog biznisa	1.300.000,00

## 4.2. INSTRUMENTI PROVEDBE PRIORITETNIH CILJEVA

### 4.2.1. Program: "Obezbjedenje kreditiranja pod povoljnijim uslovima"

#### Pravo i uslovi za dodjelu poticajnih kreditnih sredstava

U skladu sa članom 12. tačka a) Zakona i mjerom navedenom u Strategiji, strateškim ciljem 1. tačka 1.4.2.1. Kreditiranje subjekata male privrede pod povoljnim uslovima, pravo na dodjelu poticajnih kreditnih sredstava (uz subvencioniranu kamatnu stopu) i ugovoreni greis period ostvaruju svi subjekti u skladu sa Zakonom o poticaju razvoja male privrede koji obavljaju djelatnosti navedene u tački 3. a) opći uslovi dodjele poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N). Obezbjedenje kreditiranja pod povoljnijim uslovima subjektima male privrede koji imaju sjedište na području Kantona Sarajevo uz subvencioniranje kamatne stope od strane Ministarstva privrede, vrši se putem izabrane banke ili banaka u skladu sa javnim pozivom za odabir banke ili banaka (do tri banke) za plasman kreditne linije.

#### Namjena utroška dodijeljenih poticajnih kreditnih sredstava

Kreditna linija uz subvencioniranu kamatnu stopu ima za cilj da pruži finansijsku podršku subjektima male privrede za obezbjeđenje tekuće likvidnosti, produktivnije poslovanje i rast privrednih aktivnosti, nabavku osnovnih sredstava i investicije (dugoročna finansiranja) i finansiranja za trajna obrtna sredstva. Sredstva iz ove kreditne linije trebaju omogućiti ekonomsku stabilnost privrednih subjekata, pokretanje nove i održavanje postojeće proizvodnje, veće iskorištenje kapaciteta, održavanje postojećih radnih mjesta i novo zapošljavanje, očuvanje postojećeg broja subjekata male privrede, prevazilaženje negativnih učinaka ekonomske krize uzrokovane pandemijom korona virusa, povećanje izvoza i obezbjeđenje redovnog poslovanja. Izbor korisnika poticajnih kreditnih sredstava i iznos pojedinačnih poticajnih kreditnih sredstava utvrđuje odabrana banka u skladu sa kreditnim potencijalom odnosnog subjekta male privrede.

#### Iznos i rok dodjele poticajnih kreditnih sredstava

Banka obezbjeđuje sredstva za kreditnu liniju subjektima male privrede u pojedinačnom iznosu do 1.000.000,00 KM, na rok do šest godina (72 mjeseca) koji ne uključuje greis period. Godišnjim planom u 2021. godini za subvenciju troškova po osnovu kamatne stope u visini do 2,9% planiran je iznos od 5.000.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke/banaka. Sredstva za subvenciju kamata obezbjeđena su u Budžetu Kantona Sarajevo za 2021. godinu.

## Uslovi i kriteriji za izbor banke za plasman kreditnih sredstava uz subvenciju kamate

Po ovom programu uslovi i kriteriji za izbor banke za plasman kreditnih sredstava uz 100% subvenciju kamatne stope su sljedeći: Odnos kreditnih sredstava i sredstava za subvenciju ne može biti manji od 18 mil. KM/1 mil. KM; Visina kamatne stope (iskazana u %), koja ne može biti veća od 2.9%; Visina troškova obrade kredita (iskazana u %); i Greis period (iskazan u mjesecima), koji ne može biti manji od šest mjeseci. Broj izabranih banaka za plasman kreditnih sredstava po ovom programu ne može biti veći od tri. U slučaju da dvije ili više banaka, nakon ocjenjivanja ponuda, ostvare isti broj bodova, prednost u postupku izbora banaka imat će ponuda banke čija je veća visina kapitala na dan 31.12.2020. godine. Planirana struktura poticajnih sredstava u iznosu od 5.000.000,00 KM po ovom programu je sljedeća: prvorangirana banka – 50% ovih sredstava, drugorangirana banka – 30% ovih sredstava i trećerangirana banka – 20% ovih sredstava. U slučaju da se u postupku izbora banaka ne izabere niti jedna banka ili se izabere jedna banka ili se izaberu dvije banke, može se objaviti novi (drugi) javni poziv za izbor banke/banaka za preostala odnosna poticajna sredstva. Smanjenje odnosa kreditnih sredstava/sredstava za subvenciju, nastalo kao posljedica smanjenja iznosa kreditnih sredstava, koji je ugovoren sa odnosnom bankom za plasman kreditnih sredstava može odobriti Vlada Kantona Sarajevo ako za odnosno smanjenje postoji opravdan razlog. U slučaju da Vlada Kantona Sarajevo ne odobri ovo smanjenje, odnosna banka nema pravo aplicirati na naredne javne pozive za izbor banke/banaka za plasman poticajnih kreditnih sredstava u periodu do tri godine počev od dana zaključenja ugovora po javnom pozivu koji se odnosi na ovaj program.

Svrha	Pristup finansijskim sredstvima pod povoljnijim uslovima, odnosno smanjenje troškova finansiranja, održavanje tekuće likvidnosti, pokretanje poslovanja, podrška investicijskim ciklusima poduzetnika.
Korisnici	Subjekti u skladu sa Zakonom o poticaju razvoja male privrede
Nosilac aktivnosti	Ministarstvo privrede
Sunosioci aktivnosti	Komercijalne banke BiH (banke za plasman kreditnih sredstava)
Način provođenja	Javni poziv
Aktivnosti	<ul style="list-style-type: none"><li>• Dodjela poticajnih kreditnih sredstava za subjekte male privrede uz subvenciju kamata (po povoljnijim uslovima u odnosu na standardne uslove u komercijalnim bankama).</li><li>• Subvencioniranje/refundiranje troškova kamata na kredite</li></ul>
Indikator provedbe	<ul style="list-style-type: none"><li>• Broj i iznos odobrenih kredita (min. 100 subjekata male privrede)</li><li>• Broj zadržanih ili novootvorenih radnih mjesta, odnosno novozaposlenih radnika od 150 do 250 radnih mjesta</li><li>• Poboljšani finansijski rezultati poslovanja za minimalno 80 subjekata male privrede</li></ul>
Izvori finansiranja	Budžet Kantona Sarajevo – Ministarstvo privrede i banke

### 4.2.2. Program: "Subvencioniranje-refundiranje kamata po preuzetim kreditima"

#### Pravo i uslovi za dodjelu poticajnih sredstava

U skladu sa članom 12. tačka b) Zakona i strateškim ciljem 1. tačka 1.4.2.1. Kreditiranje subjekata male privrede pod povoljnim uslovima navedenim u Strategiji, pravo na dodjelu poticajnih grant sredstava za subvencioniranje (refundiranje) kamata po preuzetim kreditima ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, obavljaju djelatnost navedenu u tački 3. a) opći uslovi za dodjelu poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), imaju najmanje jednog zaposlenika na neodređeno vrijeme, imaju zaključene ugovore o kreditu sa komercijalnim bankama koji se odnose i na 2019. i 2020.

godinu i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Subvencionirati (refundirati) će se dio troškova kamate za realizovane kredite koji imaju efektivnu kamatnu stopu (EKS) veću od 3%. Visina subvencioniranog dijela plaćenih troškova kamata za odobrene kredite kod komercijalnih banaka za 2019. i 2020. godini iznosi:

1. 50% plaćene kamate na kredite sa efektivnom kamatnom stopom većom od 3% do 6%.
2. 60% plaćene kamate na kredite sa efektivnom kamatnom stopom većom od 6%.

### **Namjena utroška poticajnih sredstava**

Omogućiti korisnicima grant finansijska sredstva čija namjena omogućava daljnju ekonomsku stabilnost poslovnih subjekta, pokretanje nove i održavanje postojeće proizvodnje, veće iskorištenje kapaciteta, održavanje postojećih radnih mjesta i novo upošljavanje, očuvanje postojećeg broja subjekata male privrede, prevazilaženje negativnih učinaka ekonomske krize, povećanje izvoza i obezbjeđenje redovnog poslovanja.

### **Iznos poticajnih sredstava**

Godišnjim planom za 2021. godinu za ovu namjenu predviđen je iznos od 250.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede". Minimalan iznos kredita za koji će se subvencionirati dio troškova kamata je 30.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja za uplatu odobrene subvencije/refundacije iznosi do 15.000,00 KM prihvatljivih troškova kamata.

### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da se navedena djelatnost nalazi na popisu dozvoljenih djelatnosti u tački 3. a) općih uvjeta dodjele poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), čime privredni subjekt dokazuje pravo podnošenja zahtjeva za dodjelu poticajnih grant sredstava. Podnosioci prijave obavezni su dostaviti ugovor o kreditu sa komercijalnom bankom iz kojeg je jasno vidljiva namjena odobrenih kreditnih sredstava (ulaganje u stalna sredstva i investicije, ili za obrtna sredstva u svrhu obezbjeđenja tekuće likvidnosti na način koji omogućava povećanje obima proizvodnje i/ili usluga), a po kojem su isti subjekti uredno servisirali obaveze po kreditu u 2019. i 2020. godini. Neprihvatljivi su ugovori o odobrenju kreditnih sredstava za kupovinu zemljišta, izvođenje vanjskih građevinskih radova, kupovinu i najam osobnih vozila. Podnosioci prijave su obavezni dostaviti potvrdu banke o redovnoj otplati kredita za koji se traži refundiranje troškova sa obaveznom pregledom (broj ugovora/kreditne partije i ukupnim iznosom obračunatih i naplaćenih kamata) za svaku godinu za koju se traži subvencija dijela troškova kamate u komercijalnim bankama. U odnosu na prednosti koje su utvrđene u tački 3. b) ovog Godišnjeg plana, dodatnu prednost prilikom izbora korisnika po ovom programu ima subjekt koji u prijavi navede da će obezbijediti zaposlenje jedne osobe na period od 12 mjeseci.

Svrha	Smanjenje troškova finansiranja, stabilizacija poslovanja, održavanje tekuće likvidnosti, ponovno pokretanje poslovanja, podrška novim investicijskim ciklusima poduzetnika
Korisnici	Privredni subjekti u skladu sa Zakonom o poticaju razvoja male privrede
Nosilac aktivnosti	Ministarstvo privrede
Način provođenja	Javni poziv
Aktivnosti	<ul style="list-style-type: none"> <li>• Dodjela poticajnih sredstava subjektima male privrede za subvencioniranje/refundiranje troškova kamata na kredite</li> </ul>
Indikator provedbe	<ul style="list-style-type: none"> <li>• Broj i iznos odobrenih grant sredstava poduzetnicima (min. 20 subjekata male privrede)</li> </ul>

	<ul style="list-style-type: none"> <li>• Broj zadržanih ili novootvorenih radnih mjesta, odnosno zadržanih ili novozaposlenih radnika (min. 10)</li> <li>• Poboljšani finansijski rezultati poslovanja subjekata (min. 20 subjekata male privrede)</li> </ul>
Izvori finansiranja	Budžet Kantona Sarajevo – Ministarstvo privrede

#### **4.2.3. Program: "Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja"**

##### **Pravo i uslovi za dodjelu poticajnih sredstava**

Pravo na dodjelu poticajnih grant sredstava za subvencioniranje (refundiranje) dijela troškova nastalih u 2019. i 2020. godini, u skladu sa članom 12. tačka j) Zakona i strateškim ciljem 1.1.2.1. (izgraditi sistem tehničke infrastrukture za analizu usklađenosti proizvoda sa standardima i kriterijima EU, davanje podrške za uvođenje certifikata i međunarodnih standarda kvalitete) ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, obavljaju djelatnost navedenu u tački 3. a) opći uslovi za dodjelu poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), imaju najmanje jednog zaposlenika na neodređeno vrijeme i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Pravo na dodjelu poticajnih grant sredstava za subvencioniranje (refundiranje) dijela troškova nastalih u 2019. i 2020. godini po ovom programu ostvaruju subjekti male privrede sa sjedištem na prostoru Kantona Sarajevo, koji su sredstva koristili za odnosne aktivnosti neophodne za obavljanje djelatnosti: kupovinu mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata uz obavezan fiskalni račun. Ovo pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koji je produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun. Također, isto pravo na dodjelu poticajnih sredstava ostvaruju subjekti male privrede za jačanje konkurentnosti kroz tehnološku modernizaciju i inovaciju poslovnih procesa, uvođenje sistema međunarodnih standarda kvalitete, te u vezi sa tim odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove stjecanja prava ili obnavljanja upotrebe: ISO, HACCP, HALAL i drugih međunarodnih standarda.

##### **Namjena utroška poticajnih sredstava**

Korisnicima poticajnih sredstava se na ovaj način dodjeljuju poticajna finansijska sredstva čija namjena omogućava ekonomsku stabilnost poslovnog subjekta, pokretanje nove i održavanje postojeće proizvodnje, veće iskorištenje kapaciteta, održavanje postojećih radnih mjesta i novo upošljavanje, očuvanje postojećeg broja subjekata male privrede, prevazilaženje negativnih učinaka pandemijske krize, povećanje izvoza, obnavljanje prethodno dobijenih certifikata i obezbjeđenje redovnog poslovanja.

##### **Iznos poticajnih sredstava**

Godišnjim planom za 2021. godinu za ovu namjenu predviđen je iznos od 400.000,00 KM. Sredstva će se dodjeljivati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 20.000 KM. Sredstva za subvencioniranje (refundiranje) prihvatljivih troškova po ovom programu uplaćuju se na račun korisnika po osnovu dostavljenih dokaza: ugovora i/ili računa uz obavezan fiskalni račun, kojima se dokazuje namjensko korištenje sredstava i dostavljenog dokaza o plaćanju ugovora i/ili računa, i drugih dokaza koji će se definisati u javnom pozivu.

##### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da se navedena djelatnost nalazi na popisu

dozvoljenih djelatnosti u tački 3. a) općih uvjeta dodjele poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), čime privredni subjekt dokazuje pravo podnošenja zahtjeva za dodjelu poticajnih grant sredstava. Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu, dostavljanje ugovora i/ili računa uz obavezan fiskalni račun, i drugih dokaza o vrijednosti kupljenih mašina i opreme (osim mobilijara) koja nije starija od pet godina i koja je nabavljena od registrovanih poslovnih subjekata uz obavezan fiskalni račun, te zaključeni ugovori subjekata male privrede iz 2019. i 2020. godine o uvođenju sistema međunarodnih standarda kvalitete i u vezi sa tim određene konsultantske usluge ili edukacije. za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: ugovore i/ili račune uz obavezan fiskalni račun i izvode iz banke o plaćenim troškovima za uvođenje i certificiranje kvaliteta, i druge standarde EU, dokaz o posjedovanju certifikata izdatog od ovlaštene certifikacijske organizacije u 2019. i 2020. godini; imaju dokaz o obnovljenom standardu u 2019. i 2020. godini; imaju osiguran CE znak u 2019. i 2020. godini ili posjeduju Tehnički fajl – dosije (naslovna strana) sa svim pripadajućim procedurama, uputstvima i zapisima za osiguranje kvalitete proizvoda i podnesu dokaze o izvršenim uslugama. U odnosu na prednosti koje su utvrđene u tački 3. b) ovog Godišnjeg plana, dodatnu prednost prilikom izbora korisnika po ovom programu ima subjekt koji u prijavi navede da će obezbijediti zaposlenje jedne osobe na period od 12 mjeseci.

Svrha	Subvencioniranje - refundiranje prihvatljivih dokumentiranih troškova koji omogućavaju ekonomsku stabilnost poslovnih subjekta, pokretanje nove i održavanje postojeće proizvodnje, održavanje postojećih radnih mjesta i novo upošljavanje, očuvanje postojećeg broja subjekata male privrede, prevazilaženje negativnih učinaka ekonomske krize i povećanje izvoza, obnavljanje prethodno dobijenih certifikata i obezbjeđenje redovnog poslovanja.
Korisnici	Privredni subjekti u skladu sa Zakonom o poticaju razvoja male privrede
Nosilac aktivnosti	Ministarstvo privrede
Aktivnost	<ul style="list-style-type: none"> <li>• Finansijski poticaji poduzetnicima koji razvijaju i uvode nove tehnologije, mašine i opremu ili unaprjeđuju postojeće tehnologije i tehnološke postupke, izrađuju proizvode više dodane vrijednosti</li> <li>• Finansijski poticaji poduzetnicima za uvođenje i obnavljanje međunarodnih standarda kvalitete</li> </ul>
Indikator realizacije	<ul style="list-style-type: none"> <li>• Broj subjekata, iznos odobrenih poticaja i namjena sredstava (min. 20 subjekata)</li> <li>• Realizovani poticaji u najmanje 20 subjekata</li> <li>• Novo zapošljavanje (min. 5 osoba), rast izvoza</li> </ul>
Izvori finansiranja	Budžet Kantona Sarajevo – Ministarstvo privrede

#### 4.2.4. Program: "Poticaj za nova ulaganja u tehnološku modernizaciju i primjenu standarda kvalitete"

##### Pravo i uslovi za dodjelu poticajnih sredstava

Pravo na dodjelu poticajnih sredstava za subvencioniranje/refundiranje dijela prihvatljivih troškova, a koji troškovi su zasnovani/nastali nakon objave javnog poziva po ovom programu, ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, obavljaju djelatnost navedenu u tački 3. a) opći uslovi za dodjelu poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), imaju najmanje jednog zaposlenika na neodređeno vrijeme i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Ovaj program namijenjen je za jačanje konkurentnosti subjekata male privrede



u 2021. godini za prihvatljive troškove nabavke osnovnih sredstava, opreme (osim mobilijara), kupovinu mašina, alata i tehnike (osim laptopa) koja nije starija od pet godina i koja je nabavljena od registrovanih poslovnih subjekata uz obavezan fiskalni račun, za modernizaciju i inovaciju poslovnih procesa, za uvođenje sistema međunarodnih standarda kvalitete, troškova certificiranja sistema i proizvoda (CE oznaka) i troškova stjecanja prava ili obnavljanja upotrebe: ISO, HACCP, HALAL i drugih međunarodno priznatih standarda.

### **Namjena utroška poticajnih sredstava**

Odabranim korisnicima poticajnih sredstava se na ovaj način u 2021. godini subvencioniraju/refundiraju prihvatljivi troškovi zasnovani/nastali u 2021. godini nakon dana objave javnog poziva po ovom programu, a za koje je korisnik dostavio dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim laptopa), alata, opreme (osim mobilijara) koja se koristi u vremenu dužem od jedne godine, a čime se omogućava jačanje konkurentnosti i poticaj razvoja postojećih subjekata, ekonomska stabilnost poslovnih subjekata, održavanje postojećih radnih mjesta, novo upošljavanje, očuvanje postojećeg broja subjekata, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik sredstava obavezan je da sva nabavljena osnovna sredstva u vrijednosti do 2.500,00 KM po osnovu kojih je ostvario pravo na subvenciju/refundaciju zadrži u svom posjedu najmanje godinu dana, a za ostala osnovna sredstva po osnovu kojih je ostvario pravo na subvenciju/refundaciju od 2.501,00 KM i više obavezan je da ista zadrži u svom posjedu najmanje 24 mjeseca.

### **Iznos poticajnih sredstava**

Godišnjim planom za 2021. godinu za ovu namjenu predviđen je iznos od 150.000.00 KM. Sredstva za sve dozvoljene prihvatljive aktivnosti po ovom programu će biti uplaćena na dostavljene račune korisnika u iznosu do 50% priznatih prihvatljivih troškova za ove namjene, a maksimalni iznos poticaja za subvenciju/refundaciju prihvatljivih troškova po jednom korisniku je 15.000,00 KM. Odabrani korisnik subvencije/refundacije za prihvatljive troškove po ovom programu obavezan je da prije uplate sredstava po zaključenom ugovoru sa Ministarstvom privrede dostavi račune i/ili ugovore uz obavezan fiskalni račun kojim se dokazuje odnosni namjenski trošak, kao i da dostavi dokaze o plaćanju istih ugovora i/ili računa (izvode iz banke), te fotodokumentaciju mašina, postrojenja, opreme (osim mobilijara) koja je nabavljena. Svi ovi i drugi dokazi koje dostavlja korisnik moraju biti zasnovani/nastali u 2021. godini nakon dana objave javnog poziva po ovom programu.

### **Uslovi i kriteriji za izbor korisnika poticajnih sredstava**

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da se navedena djelatnost nalazi na popisu dozvoljenih djelatnosti u tački 3. a) općih uvjeta dodjele poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N), čime privredni subjekt dokazuje pravo na podnošenje zahtjeva za dodjelu poticajnih grant sredstava, te predračune/profakture/ponude u vrijednosti od najmanje 3.000,00 KM za nabavku osnovnih sredstava, tehnike i opreme (osim mobilijara i laptopa), mašina i alata za modernizaciju i inovaciju poslovnih procesa (koja se koristi u vremenu dužem od jedne godine), te za uvođenje sistema međunarodnih standarda kvalitete, troškova certificiranja sistema i certificiranja proizvoda (CE oznaka) i troškova stjecanja prava ili obnavljanja upotrebe: ISO, HACCP, HALAL i drugih međunarodno priznatih standarda. Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu. U odnosu na prednosti koje su utvrđene u tački 3. b) ovog Godišnjeg plana, dodatnu prednost prilikom izbora korisnika po ovom programu ima subjekt koji u prijavi navede da će obezbijediti zaposlenje jedne osobe na period od 12 mjeseci. Odabrani korisnik subvencije/refundacije za prihvatljive troškove po ovom programu obavezan je da prije uplate sredstava po zaključenom ugovoru sa Ministarstvom privrede dostavi račune i/ili ugovore uz obavezan fiskalni račun kojim se dokazuje odnosni namjenski trošak, kao i da dostavi dokaze o plaćanju istih ugovora i/ili računa (izvode iz

banke), te fotodokumentaciju mašina, postrojenja, opreme (osim mobilijara) koja je nabavljena. Svi ovi i drugi dokazi koje dostavlja korisnik moraju biti zasnovani/nastali u 2021. godini nakon dana objave javnog poziva po ovom programu.

Svrha	Jačanje konkurentnosti i poticaj razvoja postojećih subjekata male privrede u 2021. godini putem subvencioniranja prihvatljivih dokumentiranih troškova koji omogućavaju ekonomsku stabilnost poslovnih subjekata, održavanje postojećih radnih mjesta i novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize i povećanje izvoza i troškova stjecanja prava ili obnavljanja upotrebe međunarodno priznatih standarda
Korisnici	Privredni subjekti u skladu sa Zakonom o poticaju razvoja male privrede
Nosilac aktivnosti	Ministarstvo privrede
Aktivnost	<ul style="list-style-type: none"> <li>• Finansijski poticaji poduzetnicima koji vrše nabavku osnovnih sredstava, mašina i opreme ili unaprjeđuju postojeće tehnologije i tehnološke postupke</li> <li>• Finansijski poticaji poduzetnicima za međunarodne standarde kvalitete</li> </ul>
Indikator realizacije	<ul style="list-style-type: none"> <li>• Broj subjekata koji su podnijeli prijavu (min. 25 subjekata)</li> <li>• Realizovani poticaji u najmanje 15 subjekata</li> <li>• Novo zapošljavanje (min. 5 osoba), rast izvoza</li> </ul>
Prihvatljivi troškovi	<ul style="list-style-type: none"> <li>• Osnovna sredstva, mašina, alati i oprema za obavljanje djelatnosti</li> <li>• kupovina odgovarajuće informatičke opreme za rad (osim laptopa),</li> <li>• Ugovori/računi za uvođenje međunarodnih standarda kvalitete, troškovi certificiranja proizvoda (CE oznaka) i troškovi sticanja prava upotrebe: ISO, HACCP, HALAL i drugih međunarodno priznatih standarda.</li> </ul>
Izvori finansiranja	Budžet Kantona Sarajevo – Ministarstvo privrede

#### 4.2.5. Program: "Poticaj projektima promocije obrtništva"

##### Pravo i uslovi za dodjelu poticajnih sredstava

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo.

##### Namjena utroška poticajnih sredstava

Poticaj za promociju obrtništva je program namijenjen za: razvoj i afirmaciju svih obrta, očuvanje obrtničke tradicije, kulturnog i historijskog naslijeđa tradicionalnih i starih obrtničkih djelatnosti, održavanje edukacija i promocija u cilju jačanja veza između obrazovnog sistema i obrtništva, subvencioniranje troškova obrtnika za učešće na sajmovima i izložbama u cilju jačanja veza između obrazovnog sistema i obrtništva, interesno umrežavanje obrtnika i organizovano zastupanje i predstavljanje interesa obrtnika.

## Iznos poticajnih sredstava

Godišnjim planom za 2021. godinu predviđen je iznos od 50.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na programe/projekte u skladu sa kriterijima iz Javnog poziva.

## Uslovi i kriteriji za izbor korisnika poticajnih sredstava

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta usklađenog sa namjenom sredstava, izvor i način finansiranja, broj članova udruženja obrtnika, organiziranost podnosioca prijave, ravnomjerniji lokalni razvoj, dosadašnji poticaji od strane Federalnog ministarstva razvoja, poduzetništva i obrta.

Svrha	Promocija i unaprjeđenje obrtništva u Kantonu Sarajevo
Korisnici	Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo, a indirektno benefite ostvaruju obrtnici na području Kantona Sarajevo
Nosilac aktivnosti	Ministarstvo privrede
Način provođenja	Javni poziv
Aktivnosti	Finansijska podrška projektima udruženja obrtnika
Indikator realizacije	<ul style="list-style-type: none"><li>• Broj i iznos odobrenih poticaja udruženjima obrtnika (do 3)</li><li>• Broj projekata/programa (do 3 programa)</li><li>• Broj organizovanih edukacija/promocija obrtničkih zanimanja (min. 30 edukacija/promocija i min. 200 učesnika)</li></ul>
Izvori finansiranja	Budžet Kantona Sarajevo – Ministarstvo privrede

### 4.2.6. Program: "Edukacija mladih za obrtnička-zanatska zanimanja i zapošljavanje"

#### Pravo i uslovi za dodjelu poticajnih sredstava

U skladu sa članom 12. tačka h) Zakona i čl. 4., 16., 25. i 42. Zakona o mladima i na osnovu Strategije prema mladima, pravo na dodjelu poticajnih grant sredstava za subvencioniranje troškova po ovom Programu ostvaruju obrtničke radnje koje na osnovu objavljenog javnog poziva podnesu prijavu, dostave potvrde o uredno izmirenim zakonskim obavezama i članstvu u Obrtničkoj komori Kantona Sarajevo i koje u roku od četiri mjeseca mogu omogućiti praktično iskustvo i vještine rada za novozaposlenog radnika. Odabrani korisnik sredstava, koji uredno prijavi novozaposlenog radnika, za vrijeme trajanja obuke ima pravo na poticajna sredstva i ima obavezu da novozaposlenog radnika o svom trošku zadrži u radnom odnosu još najmanje osam mjeseci. Prihvatljiva aktivnost je zaposlenje mladih osoba starosti 18 do 35 godina, izvođenje praktičnog programa obuke i vježbi za obavljanje poslova u obrtničkoj radnji u skladu sa registrovanom djelatnošću. Pravo učešća po javnom pozivu ne mogu ostvariti obrtnici koji obavljaju sljedeće djelatnosti: trgovačka, ugostiteljska, proizvodnja duhanskih proizvoda i alkoholnih pića, primarna poljoprivreda, kasina i druge igre na sreću.

#### Namjena utroška poticajnih sredstava

Namjena i cilj ovog programa je da se za ukupno 20 mladih osoba neposredno osigura usvajanje ključnih vještina i kompetencija u obrtničkim zanimanjima, te će se na taj način osigurati kvalitetni - obučeni kadrovi koji mogu potaknuti zapošljavanje na neodređeno vrijeme ili za otvaranje vlastitog obrta. Sredstva poticaja za zapošljavanje nezaposlenih osoba mogu koristiti obrtnici koji će zaposliti osobe sa prebivalištem na području Kantona Sarajevo na neodređeno ili određeno vrijeme od najmanje dvanaest mjeseci.

#### Iznos poticajnih sredstava

Ukupna raspoloživa poticajna grant sredstva za ovaj program iznose: 190.000,00 KM, čija je struktura sljedeća: a) Ukupan iznos mjesečne bruto subvencije po jednom zaposlenom kod

Korisnika koji stare i tradicionalne zanate – obrte obavlja kao osnovnu djelatnost i po tom osnovu plaća porez na dohodak u paušalnom iznosu (paušalci) je 900,00 KM. Ovaj iznos obuhvata isplatu minimalne mjesečne neto plaće za prvu godinu rada u iznosu do 500,00 KM za polaznika i dio troškova svih zakonom propisanih poreza i doprinosa na neto platu, kao i drugih naknada za novozaposlenog radnika; b) Ukupan iznos mjesečne bruto subvencije po jednom zaposlenom kod Korisnika koji obavlja ostale stare i tradicionalne zanate – obrte ili drugi obrt registrovan u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 42/11) kao osnovnu djelatnost, te po tom osnovu plaća porez na dohodak u skladu sa zakonom propisanim iznosom je 1.000,00 KM. Ovaj iznos obuhvata isplatu minimalne neto mjesečne plaće za prvu godinu rada u iznosu do 600,00 KM za polaznika interne obuke i dio troškova svih zakonom propisanih poreza i doprinosa na neto plaću i drugih naknada za novozaposlenog radnika; c) Mentor je zaposlenik ili vlasnik obrta koji je nadležan za prenošenje stručnih znanja i vještina i nadgledanje rada polaznika stručnog osposobljavanja ili osposobljavanja na radnom mjestu. Mentor treba imati odgovarajuće zanimanje, nivo obrazovanja ili radno iskustvo (najmanje pet godina radnog iskustva na poslovima za koje mentorira ukoliko ne ispunjava uvjet stručne spreme) na poslovima koje će obavljati polaznik stručnog osposobljavanja. Mjesečna bruto naknada mentoru po novozaposlenoj osobi iznosi 200,00 KM, a istom pripada naknada za svih 12 mjeseci koliko iznosi obaveza obrtnika za novouposlenog radnika. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

#### Uslovi i kriteriji za izbor korisnika poticajnih sredstava

Izbor korisnika poticajnih grant sredstava vrši se na osnovu sljedećih elemenata: korisnici koji kao osnovnu djelatnost obavljaju stare i tradicionalne zanate – obrte; korisnici koji kao osnovnu djelatnost obavljaju ostale zanate – obrte registrovane u skladu sa Zakonom o obrtima i srodnim djelatnostima, korisnici koji imaju mogućnost pružanja obuke i mentorstva za deficitarna zanimanja i sl. Prednost prilikom odabira Korisnika imaju podnosioci zahtjeva koji kao osnovnu djelatnost obavljaju stare i tradicionalne zanate – obrte, a na osnovu osnovne djelatnosti koja je upisana u obavještenju o razvrstavanju poslovnog subjekta prema klasifikaciji djelatnosti, izdatom od strane Federalnog zavoda za statistiku Sarajevo - Služba za statistiku za područje Kantona Sarajevo i Rješenja Porezne uprave o utvrđivanju plaćanja paušalnog poreza na dohodak.

Svrha	Zaposlenje mladih osoba starosti od 18 do 35 godina putem izvođenja praktičnog programa obuke i vježbi za obavljanje poslova u obrtničkoj radnji u skladu sa registrovanom djelatnošću.
Korisnici	Obrti u vlasništvu fizičkih osoba koji obavljaju obrte u skladu sa Zakonom o obrtima i srodnim djelatnostima („Službene novine Federacije BiH“, br. 35/09 i 42/11).
Nosilac aktivnosti	Ministarstvo privrede
Sunosoci aktivnosti	Obrtnička Komora Kantona Sarajevo
Način provođenja	Javni poziv
Aktivnosti	<ul style="list-style-type: none"> <li>• Dodjela finansijskih sredstava za zapošljavanje u obliku poticaja obrtnicima s posebnim naglaskom na one koji obavljaju tradicijske, deficitarne i proizvodne zanatsko - obrtničke djelatnosti</li> <li>• Dodjela finansijskih sredstava za zapošljavanje u obliku poticaja za sve ostale obrtničke djelatnosti</li> <li>• Finansijska podrška mentoru za prenošenje stručnih znanja, vještina i nadzor rada polaznika stručnog osposobljavanja</li> </ul>
Indikator realizacije	<ul style="list-style-type: none"> <li>• Broj subjekata koji su podnijeli prijavu (min. 20 subjekata)</li> <li>• Broj i iznos odobrenih poticaja obrtnicima (min. 15 korisnika)</li> </ul>

	<ul style="list-style-type: none"> <li>• Broj novoprijavljenih radnika (min. 18 mladih osoba)</li> </ul>
Izvori finansiranja	Budžet Kantona Sarajevo – Ministarstvo privrede

#### **4.2.7. Program: "Poticaj za unaprjeđenje IT preduzetništva u svrhu zapošljavanja"**

##### **Pravo i uslovi za dodjelu poticajnih sredstava**

Pravo na dodjelu poticajnih grant sredstava za subvencioniranje troškova po ovom Programu ostvaruju privredni subjekti koji posluju u IT sektoru, koji imaju sjedište na teritoriji Kantona Sarajevo i registrovani su za pružanje usluga u oblasti informaciono-komunikacionih tehnologija (prema rješenju Službe za statistiku obavljaju djelatnost u Području J – Informacije i komunikacije sa šiframa 62.01-62.09), imaju najmanje deset zaposlenih i koji će nakon dana objave javnog poziva po ovom programu u 2021. godini realizovati interni program/projekt obuke i osposobljavanja. Programom/projektom u IT kompanijama se omogućava poboljšanje kvaliteta znanja i upotrebe savremene informacijske tehnologije sa krajnjim ciljem da se u kompanijama koje provedu program obuke izvrši zapošljavanje određenog broja mladih (koji se bave djelatnostima baziranim na znanju i savremenim informacionim tehnologijama) ili drugih nezaposlenih osoba koje su u skladu sa zahtjevima IT kompanija ispunili preduvjete za pohađanje i uspješno završili predmetne obuke. Pravo ostvaruju privredni subjekti koji realizacijom dostavljenog programa/projekta imaju obavezu zaposliti nove radnike na period od minimalno godinu dana. Radno mjesto se vrednuje sa iznosom poticaja do 10.000,00 KM po zaposlenom radniku.

##### **Namjena utroška poticajnih sredstava**

Sredstva su namijenjena za subvencioniranje troškova unaprjeđenja, razvijanja i jačanja IT preduzetništva. Poticaj za unaprjeđenje IT preduzetništva je program koji je u 2021. godini namijenjen IT kompanijama koje u skladu sa svojim internim programima obuke za grupe polaznika (3 do 20 osoba) u skladu sa prihvaćenim projektom izvrše provođenje programa interne obuke, prilagođavanje radu u IT kompaniji i osposobljavanju iz oblasti rada savremene IT kompanije. Namjena odobrenih sredstava je da IT kompanija nakon provedenog programa interne obuke i osposobljavanja kreira platformu za zapošljavanje polaznika obuke u skladu sa iznosom odobrenih poticajnih sredstava.

##### **Iznos poticajnih sredstava**

Godišnjim planom za 2021. godinu za ovu namjenu predviđen je ukupan iznos od 500.000,00 KM, pri čemu maksimalni iznos subvencioniranih sredstava za provođenje obuke u jednoj IT kompaniji ne može biti veći od 70.000,00 KM (slovima: sedamdesethiljada konvertibilnih maraka) uz obavezno zapošljavanje sedam radnika, a radno mjesto se vrednuje sa iznosom poticaja do 10.000,00 KM po zaposlenom radniku. Korisnik sredstava po ovom programu obavezan je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovorenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Korisnik poticajnih grant sredstava koji po ovom osnovu ostvari poticaj/subvenciju dužan je uz redovni Izvještaj dostaviti i potvrdu Porezne uprave o novozaposlenom/im radnicima. U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva za namjenu iz ovog programa, sredstva će biti iskorištena u svrhu povećanja broja zaposlenih u IT sektoru.

##### **Uslovi i kriteriji za izbor korisnika poticajnih sredstava**

Podnosilac ponude mora biti registrovan za pružanje usluga u oblasti informaciono-komunikacionih tehnologija (prema rješenju Službe za statistiku obavljaju djelatnost u Području J – Informacije i komunikacije sa šiframa 62.01-62.09), dostaviti potvrdu Porezne uprave o broju i imenima zaposlenih, te dostaviti vlastitu Izjavu o kvalifikacionoj strukturi zaposlenih kao i projekat - interni program obuke prilagođen svojoj kompaniji i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u

predmetnoj IT kompaniji ili sa lokalnim/globalnim tržištem ili za dalji razvoj vlastitog biznisa - start up preduzeća. Ostali kriteriji se definišu javnim pozivom.

Svrha	Jačanje konkurentnosti IT poduzetnika kroz subvencioniranje dijela troškova kompanija koje nakon provedenog programa kreiraju platforme za zapošljavanje polaznika obuke u istoj ili drugim kompanijama. Programom se daje podrška poboljšanju kvaliteta znanja, prilagođavanja radu u ovim subjektima sa krajnjim ciljem da se nakon provedenog internog programa edukacije i obuke izvrši zapošljavanje osoba koje su uspješno završile obuku baziranu na znanju i savremenim informacionim tehnologijama i koje su izabrane od strane odnosnog subjekta.
Korisnici	Privredni subjekti iz IT sektora, sa posebnim fokusom na žene i mlade
Nosilac aktivnosti	Ministarstvo privrede
Sunosoci aktivnosti	Subjekti male privrede iz IT sektora, formalne i neformalne obrazovne institucije
Aktivnost	<ul style="list-style-type: none"> <li>• Obuka, prekvalifikacija i dokvalifikacija (sa posebnim fokusom na mlade i žene) za osobe zainteresirane za razvoj karijere u IT sektoru i na znanju baziranim izvozno orijentisanim uslugama</li> <li>• Razvoj novih programa obuke usklađenih sa privrednim kretanjima i zahtjevima poslovnog sektora</li> </ul>
Indikator realizacije	<ul style="list-style-type: none"> <li>• Broj subjekata koji su podnijeli prijavu ( minimalno 12 prijava i 10 odabranih korisnika)</li> <li>• Realizovani programi, broj polaznika (minimalno 50 polaznika obuke)</li> <li>• Novo zapošljavanje (minimalno 40 novih radnika)</li> </ul>
Izvori finansiranja	Budžet Kantona Sarajevo – Ministarstvo privrede, te eventualno drugi izvori finansiranja za namjenu utvrđenu ovim programom

#### **4.2.8. Program: "Poticaj za unaprjeđenje preduzetništva u domenu pružanja administrativnih usluga dominantno izvozne orijentacije"**

##### **Pravo i uslovi za dodjelu poticajnih sredstava**

Pravo na dodjelu poticajnih grant sredstava za subvencioniranje troškova po ovom programu ostvaruju subjekti male privrede u skladu sa Zakonom iz domena izvozno orijentisanih usluga, i koji imaju sjedište na teritoriji Kantona Sarajevo, a koji ispunjavaju sljedeće uslove: obavljaju djelatnost u oblastima M i N navedenim u tački 3. a) opći uslovi za dodjelu poticajnih sredstava iz ovog Godišnjeg plana, osim djelatnosti čije su šifre: (69.10-69.20), 75.00 i (79.11-79.90), uz uslov da su ovi subjekti u 2020. godini ostvarili više od 50% prihoda na stranim tržištima, da imaju najmanje 10 uposlenih i da će nakon dana objave javnog poziva po ovom programu u 2021. godini realizovati/okončati interni program/projekt obuke i osposobljavanja za obavljanje poslova u registrovanoj djelatnosti. Programom/projektom se omogućava poboljšanje kvaliteta znanja i vještina potencijalnih novih zaposlenika sa krajnjim ciljem da se u izvozno orijentisanim kompanijama koje provedu program obuke izvrši zapošljavanje određenog broja mladih ili drugih nezaposlenih osoba koje su u skladu sa zahtjevima subjekata ispunili predušlove za pohađanje i uspješno završili predmetne obuke. Pravo ostvaruju subjekti koji realizacijom dostavljenog programa/projekta imaju obavezu uposliti nove radnike na period od minimalno godinu dana. Radno mjesto se vrednuje sa iznosom poticaja do 7.000,00 KM po jednom uposlenom radniku.

##### **Namjena utroška poticajnih sredstava**

Sredstva su namijenjena za subvencioniranje troškova unaprjeđenja, razvijanja i jačanja preduzetništva u domenu izvozno orijentisanih administrativnih usluga u kojima Kanton Sarajevo bilježi značajne komparativne prednosti i u kojima je u posljednjih nekoliko godina kreiran veliki

broj novih radnih mjesta. Poticaj za unaprjeđenje ove vrste preduzetništva je program koji je u 2021. godini namijenjen izvozno orijentisanim subjektima koji u skladu sa svojim internim programima obuke za grupe polaznika (3 do 20 osoba) izvrše pružanje usluga provođenja programa interne obuke i osposobljavanja, odnosno prilagođavanja radu u domenu izvozno orijentisanih predmetnih administrativnih usluga. Namjena odobrenih sredstava je da izvozno orijentisani subjekt nakon provedenog programa interne obuke i osposobljavanja kreira platformu za zapošljavanje polaznika obuke u skladu sa odobrenih poticajnih sredstava.

### **Iznos poticajnih sredstava**

Godišnjim planom za 2021. godinu za ovu namjenu predviđen je ukupan iznos od 140.000,00 KM, pri čemu maksimalni iznos subvencioniranih sredstava za provođenje obuke u jednom subjektu ne može biti veći od 35.000,00 KM (slovima: tridesetpet hiljada KM) uz obavezno zapošljavanje pet radnika, a radno mjesto se vrednuje sa iznosom poticaja do 7.000,00 KM po zaposlenom radniku. Korisnik sredstava po ovom programu obavezan je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovoreni ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Korisnik poticajnih grant sredstava koji po ovom osnovu ostvari poticaj/subvenciju dužan je dostaviti i potvrdu Poreske uprave o novouposlenom/im radnicima. U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva za namjenu utvrđenu u ovom programu, ta sredstva bit će iskorištena u svrhu daljeg povećanja broja zaposlenih u domenu izvozno orijentisanih administrativnih usluga.

### **Uslovi i kriteriji za izbor korisnika poticajnih sredstava**

Podnosilac prijave mora biti registrovan za obavljanje djelatnosti u oblastima M i N navedenim u tački 3. a) opći uslovi za dodjelu poticajnih sredstava iz ovog Godišnjeg plana, osim djelatnosti čije su šifre: (69.10-69.20), 75.00 i (79.11-79.90) uz uslov da je u 2020. godini ostvario više od 50% prihoda na stranim tržištima, dostaviti potvrdu Poreske Uprave o broju zaposlenih, te dostaviti vlastitu Izjavu o kvalifikacionoj strukturi zaposlenih kao i interni program – projekt obuke prilagođen vlastitoj organizaciji i krajnjem cilju zapošljavanja polaznika koji uspješno završe obuku. Obuka mora biti organizovana iz predmetne djelatnosti na koju se odnosi ovaj program, što podrazumijeva obuku s ciljem da potencijalni novi zaposlenici steknu vještine rada, koje će kasnije koristiti u radu u odnosnom subjektu. Ostali kriteriji se definišu javnim pozivom.

Svrha	Jačanje konkurentnosti poduzetnika u domenu izvozno orijentisanih administrativnih usluga kroz subvencioniranje dijela troškova subjekata, koji nakon provedenog odnosno programa/projekta obuke kreiraju platformu za zapošljavanje polaznika obuke.
Korisnici	Privredni subjekti u domenu pružanja administrativnih usluga dominantno izvozne orijentacije
Nosilac aktivnosti	Ministarstvo privrede
Sunosioci aktivnosti	Privredni subjekti u domenu pružanja administrativnih usluga dominantno izvozne orijentacije, formalne i neformalne obrazovne institucije
Aktivnost	<ul style="list-style-type: none"> <li>• Obuka, prekvalifikacija i dokvalifikacija (sa posebnim fokusom na mlade i žene) za osobe zainteresirane za razvoj karijere u domenu pružanja administrativnih usluga u subjektima dominantno izvozne orijentacije</li> <li>• Razvoj novih programa obuke usklađenih sa privrednim kretanjima i zahtjevima poslovnog sektora</li> </ul>
Indikator realizacije	<ul style="list-style-type: none"> <li>• Broj subjekata koji su podnijeli prijavu (minimalno 10 prijava i 5 odabranih korisnika)</li> <li>• Realizovani programi, broj polaznika</li> </ul>

	(minimalno 50 polaznika obuke) <ul style="list-style-type: none"> <li>• Novo zapošljavanje</li> </ul> (minimalno 15 novih radnika)
Izvori finansiranja	Budžet Kantona Sarajevo – Ministarstvo privrede, te eventualno drugi izvori finansiranja za namjenu utvrđenu ovim programom

#### 4.2.9. Program: "Poticaj start up subjektima male privrede"

##### Pravo i uslovi za dodjelu poticajnih sredstava

Pravo na subvencioniranje (refundiranje) troškova ostvaruju start up subjekti male privrede osnovani u skladu sa Zakonom od 01.01.2018. godine do 31.12.2020. godine, sa sjedištem na području Kantona Sarajevo koji obavljaju djelatnost navedenu u tački 3. a) opći uslovi za dodjelu poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N) i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Pravo na poticajna sredstva za subvencioniranje (refundiranje) dijela plaćenih troškova u 2018., 2019. i 2020. godini ostvaruju subjekti male privrede za sljedeće aktivnosti: nabavku mašina, postrojenja, alata i opreme (osim mobilijara), tehnike (osim laptopa) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima; ulaganje u razvoj i nabavku novih tehnologija; ulaganje u povećanje postojećih proizvodnih kapaciteta i usluga, troškove zakupa poslovnog prostora i za troškove registracije i pokretanja poslovnog subjekta. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske pomoći. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. **Neprihvatljivi troškovi su:** kupovina zemljišta, stana/kuće, vanjski građevinski radovi i nabavka, kupovina i najam svih vrsta osobnih vozila, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluga i radova koje isporučuju ili obavljaju partnerski i subjekti povezani s podnositeljem prijave. **Napomena:** Ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, potvrda o izvršenom plaćanju, carinske deklaracije, kompenzacija i cesija ne prihvaćaju se kao dokaz o izvršenom plaćanju. Pravo prvenstva imaju podnositelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske pomoći.

##### Namjena utroška poticajnih sredstava

Poticajna sredstva dodjeljuju se preduzetnicima koji ostvaruju pravo na subvencioniranje (refundiranje) prihvatljivih troškova nastalih u fazi pokretanja i obavljanja privredne aktivnosti, a odobrena poticajna sredstva u skladu sa ovim programom će koristiti za daljnju kupovinu opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, kupovinu softvera, nabavku nove fiskalne kase i plaćanje ugovorenih konsultantskih usluga za obezbjeđenje međunarodnih standarda kvalitete (ISO, HACCAP, Halal i sl.). Poticajna sredstva po ovom programu omogućavaju ekonomsku stabilnost poslovnih subjekata, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka krize, povećanje izvoza i obezbjeđenje redovnog poslovanja, o čemu korisnik subvencije dostavlja dokaz uz Izvještaj.

##### Iznos poticajnih sredstava

Godišnjim planom za ovaj Program planiran je ukupan iznos od 260.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na račun korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke). Minimalni iznos prihvatljivih troškova je 5.000,00 KM, a maksimalan iznos poticaja može iznositi najviše 15.000,00 KM. Sredstva za provođenje ovog Programa dodjeljuju se isključivo za troškove nastale od 01.01.2018. godine do 31.12.2020. godine.



## Ušlovi i kriteriji za izbor korisnika poticajnih sredstava

Izbor korisnika poticajnih sredstava vrši se na osnovu dostavljenih prihvatljivih ugovora i/ili računa uz obavezno dostavljanje fiskalnih računa o svim prihvatljivim troškovima, kao i drugih dokaza o vrijednosti kupljenih mašina, alata i opreme (osim mobilijara) koja nije starija od pet godina i koja je nabavljena od registrovanih poslovnih subjekata, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun o kupljenim mašinama i ostaloj opremi, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova, dostavljenih dokaza o plaćanju (izvod iz banke) za svaki namjenski trošak po osnovu kojeg je podnesena prijava, te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. U odnosu na prednosti koje su utvrđene u tački 3. b) ovog Godišnjeg plana, dodatnu prednost prilikom izbora korisnika po ovom programu ima subjekt koji u prijavi navede da će obezbijediti zaposlenje jedne osobe na period od 12 mjeseci.

Svrha	Stvaranje preduslova za osnaživanje privrednih subjekata, veći broj ekonomski održivih poslovnih poduhvata i otvaranje radnih mjesta
Korisnici	Start up subjekti male privrede u skladu sa Zakonom o poticaju razvoja male privrede, osnovani u periodu od 01.01.2018. godine do 31.12.2020. godine.
Nosilac aktivnosti	Ministarstvo privrede
Način provođenja	Javni poziv
Aktivnosti	Finansijski poticaji za subvencioniranje/refundiranje prihvatljivih dokumentiranih troškova koji će omogućiti start-up subjektima finansiranje rane faze razvoja odnosno privrednog subjekta.
Indikator realizacije	<ul style="list-style-type: none"><li>• Broj subjekata koji su podnijeli prijavu (min. 30 prijava)</li><li>• Broj i iznos odobrenih poticajnih grant sredstava poduzetnicima-početnicima (min. 20 korisnika)</li><li>• Realizirane investicije i povećani broj zaposlenih u start-up subjektima (min. 5 novozaposlenih osoba)</li></ul>
Izvori finansiranja	Budžet Kantona Sarajevo – Ministarstvo privrede

### 4.2.10. Program: "Poticaj razvoja ženskog preduzetništva"

#### Pravo i uslovi za dodjelu poticajnih sredstava

Pravo na dodjelu poticajnih grant sredstava za subvencioniranje dijela troškova nastalih u 2019. i 2020. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 2 (dva) radnika uključujući i vlasnicu, a koji na tržištu djeluju najmanje godinu dana i koji su usmjereni na proizvodnju i plasman vlastitih, izvornih proizvoda i usluga. Pravo ostvaruju subjekti male privrede koji obavljaju djelatnost navedenu u tački 3. a) opći uslovi za dodjelu poticajnih sredstava iz ovog Godišnjeg plana (uz propisano ograničenje za odnosne/pojedine djelatnosti u područjima: G, M i N) i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM, a koji pravo na poticajna sredstva za subvencioniranje (refundiranje) dijela plaćenih troškova u 2019. i 2020. godini ostvaruju za sljedeće aktivnosti: nabavku mašina, postrojenja, alata i opreme (osim mobilijara), tehnike (osim laptopa) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, troškove zakupa poslovnog prostora i za troškove registracije i pokretanja poslovnog subjekta, te dokažu da su sredstva koristili za te namjene. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske

pomoći. Pravo prvenstva imaju podnosiitelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. **Neprihvatljivi troškovi su:** kupovina zemljišta, stana/kuće, vanjski građevinski radovi i nabavka, kupovina i najam svih vrsta osobnih vozila, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluga i radova koje isporučuju ili obavljaju partnerski i subjekti povezani s podnosiiteljem prijave. **Napomena:** Ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, potvrda o izvršenom plaćanju, carinske deklaracije, kompenzacija i cesija ne prihvaćaju se kao dokaz o izvršenom plaćanju. Pravo prvenstva imaju podnosiitelji zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske pomoći.

### **Namjena utroška poticajnih sredstava**

Poticajna sredstva dodjeljuju se preduzetnicama koje ostvaruju pravo na subvencioniranje (refundiranje) prihvatljivih troškova nastalih u obavljanju registrovane privredne djelatnosti, a odobrena poticajna sredstva u skladu sa ovim programom će koristiti za kupovinu opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, softvera, nabavku nove fiskalne kase i plaćanje ugovorenih konsultantskih usluga za obezbjeđenje međunarodnih standarda kvalitete (ISO, HACCAP, Halal i sl.). Ovaj program omogućava ekonomsku stabilnost poslovnih subjekata, pokretanje nove i/ili održavanje postojeće djelatnosti, veće iskorištenje kapaciteta, održavanje postojećih radnih mjesta i novo upošljavanje, prevazilaženje negativnih učinaka ekonomske krize, povećanje izvoza i obezbjeđenje redovnog poslovanja, o čemu korisnik subvencije dostavlja dokaz uz Izvještaj.

### **Iznos poticajnih sredstava**

Godišnjim planom za ovaj Program planiran je ukupan iznos od 250.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na račun korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke). Minimalni iznos prihvatljivih troškova je 5.000,00 KM, a maksimalan iznos poticaja može iznositi najviše 15.000,00 KM. Sredstva se dodjeljuju isključivo za troškove u priodu od 01.01.2019. godine do 31.12.2020. godine.

### **Uslovi i kriteriji za izbor korisnika poticajnih sredstava**

Izbor korisnika poticajnih sredstava po ovom programu vrši se na osnovu dostavljenih ugovora i/ili računa, i drugih dokaza o vrijednosti kupljenih mašina, alata i opreme (osim mobilijara) koja nije starija od pet godina i koja je nabavljena od registrovanih poslovnih subjekata, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezno dostavljanje fiskalnih računa o kupljenim mašinama i ostaloj opremi, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova, dostavljenih dokaza o plaćanju (izvod iz banke) za svaki namjenski trošak po osnovu kojeg je podnesen zahtjev, te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. U odnosu na prednosti koje su utvrđene u tački 3. b) ovog Godišnjeg plana, dodatnu prednost prilikom izbora korisnika po ovom programu ima subjekt koji u prijavi navede da će obezbijediti zaposlenje jedne osobe na period od 12 mjeseci.

Svrha	Poticaj poduzetničkih aktivnosti žena i promocija ženskog poduzetništva
Korisnici	Subjekti male privrede u skladu sa Zakonom o poticaju razvoja male privrede, koji su u većinskom vlasništvu žena (min. 51% vlasništva)
Nosilac aktivnosti	Ministarstvo privrede
Način provođenja	Javni poziv
Aktivnosti	Finansijski poticaji za subvencioniranje - refundiranje prihvatljivih

	dokumentiranih troškova koji će omogućiti održavanje postojećih radnih mjesta i novo upošljavanje, te prevazilaženje negativnih učinaka ekonomske krize za žene poduzetnice
Indikator realizacije	<ul style="list-style-type: none"> <li>• Broj subjekata koji su podnijeli prijavu (min. 25 prijava)</li> <li>• Broj i iznos odobrenih poticajih grant sredstava poduzetnicima-početnicima (minimalno 20 korisnika)</li> <li>• Realizirane investicije i povećani broj zaposlenih u start-up subjektima (min. 5 novozaposlenih osoba)</li> </ul>
Izvori finansiranja	Budžet Kantona Sarajevo – Ministarstvo privrede

#### **4.2.11. Program: "Podrška mladima za pokretanje start up poslovnih subjekata"**

##### **Pravo i uslovi za dodjelu poticajnih sredstava**

U skladu sa članom 12. tačka h) Zakona i čl. 4., 16., 25. i 42. Zakona o mladima i na osnovu Strategije prema mladima, pravo na korištenje bespovratnih sredstava imaju nezaposlena punoljetna fizička lica koja pripadaju kategoriji mladih ljudi u skladu sa čl. 4. i 42. Zakona o mladima (18-35 godina u trenutku objavljivanja javnog poziva), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su djelatnosti navedene u tački 3. a) opći uslovi za dodjelu poticajnih sredstava iz ovog Godišnjeg plana, izuzev navedenih djelatnosti u područjima: G, M i N za koje djelatnosti je propisano ograničenje u pogledu ostvarenog prihoda na stranim tržištima.

##### **Namjena utroška poticajnih sredstava**

Probuditi preduzetnički duh među mladim ljudima, motivisati kreativne mlade pojedince s inovativnim i provedivim poslovnim idejama za pokretanje vlastitog biznisa i jačanje preduzetničke kompetencije mladih osoba u Kantonu Sarajevo. Programom se za cca. 70 mladih nezaposlenih osoba pruža podrška i finansijski poticaj za pokretanje i vođenje vlastitog start up poslovnog subjekta u skladu sa prihvaćenim biznis planom usklađenim sa ekonomskim standardima i smanjenje nezaposlenosti ove kategorije stanovništva.

##### **Iznos poticajnih sredstava**

Za provođenje aktivnosti po Programu: "Podrška mladima za pokretanje start up poslovnih subjekata na području KS" predviđeno je 1.300.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuju u maksimalnom iznosu do 18.600,00 KM. Grant podrška po jednom odabranom korisniku predviđena je u maksimalnom iznosu do 15.000,00 KM, a iznos od 3.600,00 KM predviđen je za finansiranje isplate minimalne mjesečne neto plaće za prvih 6 (šest) mjeseci rada i dio troškova svih zakonom propisanih poreza i doprinosa na neto plaću, te ostalih naknada za zaposlenog radnika u ukupnom iznosu od 600,00 KM za svakog odabranog korisnika. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava. U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa određenom namjenom u provođenju ovog programa, ta dodatna sredstva će biti korištena u svrhu provođenja obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa.

##### **Uslovi i kriteriji za izbor korisnika poticajnih sredstava**

Mlade osobe (podnosioci prijave) u I fazi moraju ispunjavati sljedeće osnovne (eliminatore) kriterije kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu stariji od 35 godina u momentu dostavljanja prijave; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito

sufinansiranje od minimalno 10% od ukupne vrijednosti odobrenih poticajnih grant sredstava iz ovog Programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

Svrha	Finansijska podrška mladim osobama u Kantonu Sarajevo za pokretanje i vođenje vlastitih start up poslovnih subjekata
Korisnici	Nezaposlene mlade osobe (do 35 godina) prema Zakonu o mladima Federacije Bosne i Hercegovine ("Službene novine Federacije BiH", broj 36/10) sa kvalitetnim biznis planovima
Nosilac aktivnosti	Ministarstvo privrede
Sunosioci aktivnosti	Institucije koje obezbijede dodatna sredstva ili tehničku podršku za provođenje ovog programa mogu biti sunosioci aktivnosti.
Način provođenja	Javni poziv
Aktivnosti	<ul style="list-style-type: none"> <li>• Podrška mladim osobama u razvoju biznis ideja i registraciji poslovnog subjekta</li> <li>• Finansijski poticaji za mlade poduzetnike</li> <li>• U slučaju da Ministarstvo privrede Kantona Sarajevo ocijeni prihvatljivim da se iz drugih izvora uključe dodatna sredstva sa određenom namjenom u provođenju ovog programa, ta dodatna sredstva će biti korištena u svrhu provođenja obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa</li> </ul>
Indikator realizacije	<ul style="list-style-type: none"> <li>• Broj mladih osoba koje su pripremile i dostavile biznis plan (min. 70 mladih osoba sa idejama za pokretanje biznisa)</li> <li>• Broj i iznos odobrenih finansijskih podrški mladim poduzetnicima prema odluci Vlade Kantona Sarajevo (min. 40 novih subjekata)</li> <li>• Broj novoregistrovanih subjekata male privrede u vlasništvu mladih do 35 godina (minimalno 30 subjekata)</li> </ul>
Izvori finansiranja	Budžet Kantona Sarajevo – Ministarstvo privrede, te eventualno drugi izvori finansiranja za namjenu utvrđenu ovim programom

Godišnji plan provođenja Programa razvoja male privrede za 2021. godinu obuhvata plan mjera i aktivnosti koje će se poduzimati kroz realizaciju pojedinačnih programa/projekata poticaja razvoja subjekata male privrede u Kantonu Sarajevo, a kojima će se postići da se osigura dovoljna količina likvidnosti subjektima male privrede pogođenim ovom krizom kako bi mogli premostiti ovaj privremeni ekonomski poremećaj. Godišnji plan omogućava osiguranje poticajnih kreditnih sredstava za očuvanje ekonomske stabilnosti i likvidnosti privrednih subjekata, subvencioniranje/refundiranje troškova kamate po kreditima komercijalnih banaka, subvencioniranje/refundiranje troškova ulaganja u tehnološku modernizaciju, digitalizaciju poslovanja i primjenu tehničkih normi i standarda kvalitete; očuvanje i razvoj starih tradicionalnih zanata - obrta; poticaje za razvoj poduzetništva mladih; poticaji za jačanje i razvoj ženskog poduzetništva; poticaje za jačanje novoosnovanih start up kompanija, poticaje za razvoj IT poduzetništva i preduzetništva u domenu pružanja administrativnih usluga dominantno izvozne orijentacije.

Ovim Godišnjim planom provođenja Programa razvoja male privrede za 2021. godinu sve mjere i aktivnosti planirane su kako bi se stvorili uvjeti za daljnji ekonomski rast i razvoj obrta, malog i srednjeg poduzetništva i rast zaposlenosti, te se nastojalo postići da se poslodavci dodatno senzibiliraju, a programi su planirani u cilju stabilizacije poduzetničkog okruženja, broja privrednih subjekata i očuvanja radnih mjesta.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo privrede Kantona Sarajevo,
5. Za objavu u "Službenim novinama Kantona Sarajevo",
6. Evidencija,
7. A r h i v a.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

